

# B. HEIMERADI

*Presbyteri et Confessoris.*

## Prologus.

Dominus ac Patri suo *Hartuvigo*, veræ virtutis exemplari unico, *Egbertus* ultima portio gregis Dominici, quod scit, quod valet, si cuius est ponderis aut pretij. Revera Pater egregie, unicum te præbes exemplar, quid sit patrem esse: cùm tam affectuose imitaris in filio morem evangelici agricola. quionem palmitem fructū afferentem purgat, ut fructum plus afferat. Nam quæcunq; occasio tibi oblata fuerit, quidquid nugarum animo tuo occurrerit, his occupare pergis mentem meam, ne quod tempus otio aut quieti concedam: id autem eâ gratiâ facis, quia dedita opera extirpare niteris silvam urticarum, quæ replevit agrum mei cordis, ut revera pigri hominis. Sed cùm sedulò uterque nostrum suum facit officium, tu imperando, ego modestè parendo: tandem, quod pace illius dixerim, majestas tua imperandi excessit modum. Præcepisti namque mihi, ut vitam sancti *Heimeradi* Confessoris literis mandarem: materiam scilicet rudem, meisque viribus majorem; ute pote fructibus, quos manens in Christo hic attulit palmes, uberem: quorum libertas, quorum suavitas me pñne subterfugit; nisi quod vix parum

## PROLOGUS.

quid gustavi de his, quæ in proiectu positus, vel  
quæ post virtutum consumationem grandævus jam  
peregit. Horum enim mihi aliqua comperta sunt,  
partim referente meo patre, quæ se olim audivisse  
commemorat ab ejusdem servi Dei ministro; partim  
ipsis auctoribus, quorum adhuc superstes sovebatu  
hospitio, humanitate & obsequio. At verò qualiter  
vitam suam instituerit, quomodo ut cedrus Libani  
multiplicatus sit in domo Domini; vel certè de qua  
stirpe pullulaverit, quos terrena propaginis pare  
tes habuerit, indagare non potui: ea verò, quæ mi  
hi comperta sunt, eruditioris ingenij vindemiatores  
exposcunt. Nam cùm sim nullius artis, nulliusque  
facundia, tam grandis materiae silvam non præsume  
bam aliquando attingere: sed in humilium rerum  
arbustis scribendi operam insumere consueveram.  
Unde non nihil timeo, ne mihi ante sub fasce caden  
dum sit, quam levandum. Verùm ego pretium ob  
stulitiam fero, qui in agro absconditum nullius pon  
deris, nullius momenti thesaurum ventosus prodi  
di; quiscentiam ingeniali mei non cinere paupe  
ris conscientiæ operui. Eorum enim est, talentum  
terra non subfodere, qui sciunt illud operando lu  
crificare; qui evaserunt in virum perfectæ scientiæ;  
quorum est solidus cibus; qui frangere norunt pa  
nem pueris potentibus; qui parati sunt proferre de  
thesauro suo nova & vetera; qui occidente litera  
callent spiritum vivificantem excludere; qui sciunt  
sapere ad sobrietatem, & instantem scientiam retun  
dere ad charitatis ædificationem. Ecce illic invenies

pre-

## PROLOGUS.

233

Pretiosam, quam quæris, liberalis ingenij margaritam; illic mna non *in sudario posita* est, cùm nummularijs data fuērit; vel quinque, vel decem mnas ad mensam domini sui reportabis. Illic sedens Dominus conflans purgabit filios Levi, in speciem mundissimā auri & argenti. Tales videtur hoc dictum respicere Salomonis: *Sapientia abscondita, & thesaurus invisus, quid utilitatis inutrisque est?* In me verò nihil est tale. Sed quoniam omnis labor voluntibus facilis existit; sed econtrario, ut Comicus ait, *Nulla res tam facilis est, quin si quis eam invitus facit, sit difficilis;* libens experiar quid possim: præsertim cùm id ipsum studij me olim devoverim arrepturum, si qua rerum ab eo feliciter gestarum inveniagere possem, quamvis hucusque distulerim. Unde & satis credo, non sine divini numinis instinctu tibi in mentem venisse, ut inter tota præclara ingenia, inter tot filios matris *Hersfeldiae*, qui educati sunt in faustis penetralibus philosophiæ; mihi qui sum corpus sine pectore, id operis injungeres: ne forte contingaret me voti reum existere; quia tutius erat non vovisse, quam post votum non reddere.

## Vita venerabilis Heimeradi Presbyteri & Confessoris.

I. Incipiente matutinâ luce, fugientibus tenebris, videmus etiam stellas rarescere, non quod omnino evanescant, sed quod earum splendor vicini solis præviâ luce vicit cedat, utputa longè inferior. Si

Q5

qui

## V I T A

234

qui oculos videndi habemus, haud multum dissimiliter modò in sanctis Dei, veris quippe luminaribus cœli, fieri videmus. Nam quanto finis sæculi appropinquat, quanto veri solis adventus vicinus imminet, tanto splendor horum luminarium cœli mundo subducitur, ut jam penè nullus esse electorum creditatur, cui gratia sanitatum & miraculorum distributa sit per dividentem singulis, prout vult, Spiritum. Absit autem, ut hanc causam vero soli Christo, videlicet Domino nostro, ascribamus: quasi via electionis ex vicinitate adventus ejus minoris incipiunt esse virtutis: qui quo vicinior est, eo majore necessitate est subare claritatis suæ, suos, qui in mundo sunt, sanctos illustret: quin potius nobis, adversum quos jam finis sæculi evigilavit, quos invenerunt illa periculosa tempora, iniquitas, & refrigescens charitas; nobis inquam, quorum lumen tenebrae sunt: obtemperantur etiam hæ stellæ cœli à caligine malitiae nostræ. Nam divina & humana promiscua habentes, sacra profanis miscentes, eos qui latam & spatiösam viam, quæ dicit ad mortem ambulant, beatificamus, & hos aliquujus momenti aestimamus; arctam verò & angustam viam, quæ dicit ad vitam arripientes, nullius ponderis aut pretij computamus. Præterea cum per tales servos suos Dominum moderno tempore antiqua miracula resonare audierimus, degniamur fidem accommodare; taliumque auctores non solum mendacij arguimus, sed & injurijs & contumelijs afficimus. Unde dum se circa finem sæculi sub modo infidelitatis nostræ sic obscurandum

Eccl.

Ecclesia prævidit, quasi vicem ejus dolentibus, zelo  
fidei ferventibus ait: *Nolite me considerare quod  
fuscasim, quia decoloravit me sol.* tanquam diceret:  
non vos moveat, quod appropinquante mundi fine,  
propè secundum adventum Christi, propter pusillæ  
fidei homines, bonorum operum flamas exerere  
non valeo: quia non idcirco in virtutum profectibus,  
licet sub modio, licet in tenebris, ardere desisto. Su-  
perflunt multi adhuc magni meriti apud Deum, sed  
lucernæ non sunt positæ super candelabrum. Verum  
ut tandem explicemus, cuius rei gratia hoc sermo-  
nis exordium arripuerimus; sanctus, de quo hic no-  
bis deinceps sermo habendus est, unum erat ex su-  
pradicis cœli luminaribus.

II. Beatus igitur *Heimeradus* eximios sanctitatis  
suæ radios vitâ comite passim spargebat in mundo,  
sed propter credentium penuriam, *Lucerna Domini*  
*lucebat sub modio*. Hic de *Suevia* oriundus extitit,  
de loco qui dicitur *Messankircha*: de cuius condi-  
tione supervacuum vilum est scribere, cum eum  
Dominus quotidie illustret virtutum & signorum  
nobilitate. *Ubi enim spiritus Domini, ibi libertas:* &  
non est *Judeus*, neque *Gracus*, non est servus neque li-  
ber, non est masculus neque feminæ; omnes enim in  
Christo unum sumus. Denique cum esset in obse-  
quio cujusdam matronæ, & illa alterum quoq[ue] Pres-  
byterum secum haberet, ipse libertati se donari pe-  
tijt, sicubi rebus suis melius prospicere posset: quâ  
concessâ, quasi mandato cum *Abraham* divinitus  
accepto, *egressus est de terra & de cognatione sua, &*  
uni-

unicum prædicandæ sanctitatis exemplar effulgit  
*Hassonum* provinciâ. Igitur inter suos nullius po-  
deris aut pretij aestimatus, eò quod non intenderet  
*Lucernæ* in caliginoso loco lucenti; salubre sidus, ut  
ita dicam, visus est alijs gentibus. *Nemo enim Pro-  
pheta, testante Domino, acceptus est in patriâ suâ.*

III. Etiamen res primos aditus difficiles habuit  
videlicet ut hominibus, talium virorum desuetis, cu-  
jus fuerit sanctitatis inculcaretur: nam ubi primum  
vita illius dissimilis aliorum apparuit, juxta quod scri-  
ptum est: *Animalis homo non percipit ea qua sunt spiri-  
ritus Dei*, non verâ eum viâ ad virtutem niti; hypocri-  
tam esse; exterminatâ facie hominibus jejunantem  
apparere; sed cordetumido popularis auræ merce-  
dem querere existimabant: & Spiritum sanctum,  
cujus vocem audiebant, cuius virtutes cernebant, in  
eo spirare non credebant. Servi revera inutiles & pi-  
gri, qui operari de accepto ingenij talento gravabat-  
tur, & propriâ illum conscientiâ metiebantur: ur-  
de accidit, ut penè quoconque locorum devenisset;  
non sine contumeliâ evaderet: usquequod ascendi-  
t in illum montem, in quo beneplacitum erat Deo, #  
habitaret in eo, sed hæc enucleatus, cùm rerum or-  
do poposcerit, explanabimus.

IV. Ergo ubi patriam parentesque deseruit, Ro-  
manam peregrinationis simul & orationis gratiâ iter  
direxit: ibi sanctorum assidue terebat limina; ibi  
cum Clavigero cœli precum suarum mercimonia pa-  
cisceretur, de aperienda sibi vitæ januâ; ibi electio-  
nis vas; ibi reliquos omnes coœlestis curiæ senatores,

in extremo examine patronos sibi parabat, & testes  
non neglectæ vitæ suæ (dum comes vita fuit) rati-  
onis. Inde postliminiò reversus, cùm in patriam su-  
am devenisset: nec precibus nec lacrymis suorum  
flehti potuit, ut domum suam, vel quemquam ex fa-  
miliâ sua visitaret, aut saltem respiceret: memorans  
illum sermonem Domini, quia nemo mittens manum  
suam ad aratum, & respiciens retrò, aprius est regno  
Dei. Et illud, dimitte mortuos sepelire mortuos suos:  
in autem vade & annuntia regnum Dei. Deinde Hie-  
rolymam petijt, ibi pedes Iesu lacrymis rigavit; ibi  
caput ipsius recumbentis cordis contriti, & spiritus con-  
tribulati unguento cum Evangelicâ unguentaria  
perfundens, domum in quâ recubuit, psalmodiæ &  
orationum bono odore implevit. Crucem quoque  
post JESUM cum improperio ejus portans, crucifi-  
xum Dominum suum extra castra secutus est in Cal-  
varia locum, ut videret salutiferi tropæi titulum,  
Dominii sui crux inscriptum: quin etiam peractis  
sue devotionis aromatibus, sepulchrum Domini sui  
invisiere, cum devotis curavit mulieribus.

V. Sic oliva fructifera in domo Domini, cognata  
cum sibi montem, in quo Deo habitare in eo beneplaci-  
tum erat, montem in quo nobis pax nostra, ea quæ  
pacis sunt, rogare Patrem consueverat; & euntem in  
celos JESUM forti pectore secutus, adoravit in loco,  
ubi steterunt pedes ejus: sicque bonam spem repor-  
tavit domum, scilicet se caput suum, ut revera mem-  
brum ejus, quandoque secuturum. Bethleem quo-  
que domum panis, ut gustaret, quam suavis est Domi-  
nus,

nus, cum Evangelicis transiit pastoribus; & panem Angelorum in præsepio adoravit, pījs appositum pābulum animalibus, asinæ scilicet spirituali & pullis ejus, quorum insidere dignatur cordibus. Quicquid autem in eleēmosynam accipiebat, eādem horā, eodemque momento, cūm se pauper obtulisset, infimile opus expendebat: quām maximè verò semper laborabat, salvā tamen pietate, quantum poterat, ut injurijs quibūslibet & contumelijs afficeretur, cattigandi videlicet corporis gratia: sciens scriptum esse curatio cessare faciet peccata maxima. Et cūm alia se injuriandi occasio deesset, quidquid inter se & alios dividendum evenerat, eam partem quā p̄pōndrabat, ipse usurpabat, ut eos sic ad contumeliam suū provocaret. Nihil autem erat, quod non statim pauperibus erogaret, nec quidquam sibi ex omnibus re-servans, de crastino non cogitabat.

VI. Sanctus etiam Heimeradus omnem cogitationem suam, omnem spem, omnem animum suum illo intendit, ubi misericordes beatitudinem misericordiæ consequentur; usque adeò, ut præfens illi & dies & cibus & vita simul sāpe de memoria tollerentur. Cūm autem socius itineris ejus, functus ipse ministerio Marthæ, dum ille fungebatur Maria, nonnunquam tentandi gratia diceret: Domine Heimo, ( nam id ei proprium nomen erat ) quid hodie manducabimus? nihil residui in marsupijs: cras enim jejunandum est nobis: respondere solebat: ergo jejunemus hodie, cras manducemus. sic carni, sic spiritui consulebat. Canes etiam ad lacerandum se in vita-

vitabat: verè martyr, quia ipse magis ullo carnifice  
semetipsum sponte propter Dominum cruciabat.

VII. Igitur emensis tot tantisque terrarum spatijs, satis jam in camino fatigationis, sicut aurum in fornace, excoctus; demum cùm psalmista optabat sibi pennas dari, sicut columba, ut volaret, & requiesceret in solitudine. Quem *Herveldensis Abbas* nomine *Arnoldus*, in uno cœnobiorum suorum, *Milebo* nomine, invenit: sciscitatusque patriam, gentem, causamque adventus ejus; *Hersfeldiam* eum ante se præmisit, statimque subsecutus, ei sanctæ conuersationis habitum tradere voluit: sed ille nullo modo consensit. Cumque tamen in Regulari proposito regiā viâ, neque ad dexteram, neque ad sinistram incederet, animo & oculis, semper in cœlū intentus, ut peritus siderum nauta, cùm vel a ventis commiserit: una die, nihil minus suspicantibus Monachis, atque Abate, in conventu fratrum ad Capitulum, (ut est consuetudinis,) terræ prostratus licentiam abeundi petiit. Interrogatus ergo, quid causæ haberet? hoc tantum respondit: quod animam suam, ibi pro voto, salvam facerenon posset. Igitur iratus Abbas, & objiciens illud de trivio, videlicet pedem cum rursus titillare: invitis fratribus, ejicit eum cum indignatione. Qui ejectus, cùm in cellâ hospitum ad portam equum suum exspectaret, quem Præpositus monasterij, prefectus in obedientiam suam, secum habebat; fertur interea in hanc vocem prorupisse: non reclē se, nec satis honorificè pro natalibus suis, tractatum fuisse à Monachis atque Abate; latuisse illos generis sui nobili-

nobilitatem, Imperatoris fratrem se esse. Quod vel  
bum, ut insinuit rimosis auribus discipulorum por-  
tarij, statim cum irrisione: Irane (inquiunt) res-  
domine? At ille affirmavit, ita serem habere. Et que-  
re, ajunt, hoc tam diu celatum habuisti, nec jam olim  
sub divum protulisti, ut congruus honor tuæ habitus f  
set nobilitati? Nec mora proripientes se ad eundem  
Abbatem, ei exposuerunt sermonem, camino adjici-  
entes oletum, qui mediastantius incanducat adversus  
eundem virum, cuius favilla longè in posteros esset  
duraturæ: nam peccans Abbas in Deum, & in ani-  
mam suam, admisit in sanguinem innocentem, quod &  
sibi in scrupulum cordis, & in singultum animæ sus-  
& succedentium Fratrum foret posteritati in laque-  
um & ruinam. Ut enim hic sermo *velut cancer serpem*  
*eius non obturatis auribus irrepsit*, (non enim me-  
minerat sententia Salomonis, ut *aures suas sepi- spinis*) continuo evocatum Dei servum exactori, qui  
carnificibus præterat, contradidit; eumque per iac-  
crumentum, quo se ipsi obligaverat admonuit, *urib*  
*lum taliter sibi adornaret, qualiter sibi placeret, cùm*  
*eum ipse inspicere vellat*. Qui mox suscepimus, pro-  
dolor, & prœ nefas! ad sepem alligatum verberibus  
crudeliter per suos officiales macerari fecit. Verum  
ipse sibi has plagas castigandi corporis causâ ultra-  
neus adscivit: rem tamen altiore sensu retractan-  
bus, inventus est nihil falsum dixisse; neque epini-  
fas est vasis electionis, in quibus mansionem facet  
solet spiritus veritatis. Denique Apostolo teste, *pe-*  
*re servus, siue liber omnes in Christo unum sumus.* Et  
ipsius

ipius Domini testimonio, unum patrem omnes in  
etiam habemus. Ideoque & ab ipso DN. N. JESU CHRI-  
STO unum fraternitatis vocabulum, omnes de Evan-  
gelio sortiti sumus. Quâ etiam appellatione nos di-  
gnatur in Psalmis: Narrabo, inquiens, nomen tuum  
fratribus meis. Qui autem missus ab Abbatे, huic  
ejus macerationi intererat, Anzo Monachus, referre.  
solebat, quia inter flagella nihil aliud ex ore ejus re-  
sonabat, nisi L. Psalmus, Miserere mei Deus: quem  
tamen ad finem usque non perduxit. Usq; adeò enim  
in eum sèvitum est. Erat autem prædictus frater  
Anzo tantæ religiositatis, tantæque morum gravi-  
tatis, quod sibi vel ab incredulis fidem extorqueret.  
Cum hâc ergo contumeliâ de Monasterio ejectus,  
rugiolum cuiusdam pauperculæ mulieris foris mu-  
rū est ingressus; quam cum inconsolabiliter ploran-  
tem vidisset, & causas percunctatus, super illatis sibi  
tam crudelibus plagis commotam audisset; cessa, in-  
quit, mulier, meam vicem dolere, magisq; super tuis  
peccatis compungere; hac enim poterunt sibi pluris esse.

VIII. Igitur Hersfeldiâ egressus, imò expulsus,  
ad augmentum suæ futuræ gloriæ, quæ in illo reve-  
landa erat, villam Kircheberg nomine, in Hassia si-  
tam petijt: ubi cùm aliquamdiu commoratus fuis-  
set, accusatus quod conscius esset fractæ ibidem  
capellæ, & facti in eâ sacrilegii: cùm neque fate-  
ri, neque se expurgare vellet, (memor illius versici-  
li; Posui ori meo custodiam, cum confiteret peccator  
adversum me,) inde quoque à villanis expulsus est  
cum injuriâ.

IX. Post hæc venit in villam *Dietmelle*, ubi cum essent duæ ecclesiæ, una baptismalis, & altera vetus neglecta, hanc sibi *Heimeradus* à Presbytero loci illius imperavit ad celebranda ibidem divina mysteria. Res ita non multum temporis transiit, cùm ad eò cunctis per circuitum populis fama sanctitatis innotuit ejus, ut omnes viri ac mulieres jam dictum Presbyterum negligenter, & ad hunc certatim cùm oblationibus suis convenienter. Inter quos & uxoris Vicarij illius Presbyteri unâ die veniens, suam quoque viro Dei oblationem obtulit, quain ille respicere accipere noluit: tunc illa facie rubore perfusa animoque consternata cæteris supervenientibus matronis supplicare cœpit, ut ei causam indicaret sux refutationis. At ille respondit: *se non sponte, vel ipsi confusione, vel populo scandalum facere: ut palam datur intelligi, aliquid ei revelatum esse de illâ, quod non libenter proderet, secreti.* Cumque adhuc illa non quiesceret, sed eo magis explicandi sui reatus causa ei instaret: *sciens, inquit, scito, quod nec anima, nec oblatio tua Deo cura sit, nisi vitam tuam morisque corrixeris.* Videns autem supradictus Presbyter se despici, illum amari; se negligi, illum studiosè ab hominibus visitari; multis eum primo aggressus injurijs, postremo cum canibus expulit de locis illis.

X. Itaque proceritas corporis, & facies lurida propter crebra jejunia, & vilitas vestium, quandam deformitatem viro efficerant; sed difficile est dictus quantum ei decoris & dignitatis intus præpararint: *et si exterior noster homo corruptitur, inquit Apostolus,*

lus, interior tamen de die in diem renovatur. Qui  
cum Paderburnon venisset, & cum Episcopus Megin-  
vverc in cute, non intus, vidisset; interrogavit unde  
ille diabolus emerget? ille gratulabundus cru-  
cem contumeliarum post JESUM portans, (nam &  
ipsum Judæi dæmonium habere dixerunt,) humili-  
ter respondit, *se dæmonium non habere*. Solido ni-  
mirum gaudio triumphabat, quod socius factus sit  
Dominicæ passionis: cum proculdubio sciret, A-  
postolo teste, socium se futurum consolationis. Sed  
ut probatio patientiæ ipsius inveniretur multo pretiosior  
auro quod per ignem probatur: perseveravit Episco-  
pus asserere, illum diabolum esse. Percunctatusque,  
an esset Presbyter? postquam audivit ipsum eodem  
die mysteria divina celebrasse, jussit sibi libros dari  
in quibus cantasset: quos eodem momento in ignem  
projicere jussit, ed quod incompti essent & neglecti,  
& nullius ponderis viderentur aut pretij: quem etiam  
ipse verberibus cædi jussit. Audivimus etiam eum  
Cunigæ Imperatricis jussu vapulasse, qua ibidem tunc  
adserat simul cum D. Imperatore Hinrico; ( qui fun-  
dator extitit Babenbergensis Ecclesiæ, suæ religionis  
& flagrantis in Deum animi, evidens ibidem dans  
indictum, ipsum videlicet locum, ædificijs, opibus,  
magnitudine, gloria; præterea, quod primum est,  
divinis laudibus die noctuque ibi personantibus red-  
dens florentissimum.) Sed admirabilis patientiæ vir  
sanctus Heimeradus, omnes corporis plagas omnes-  
que injurias, ita æquo animo tulit, ut ne mutaret  
quidem contra, imò gauderet se pro nomine JESV

propterque sp̄qm cœlestium pr̄emiorum à falsis fr̄atibus perpeti talia; edoctus à Domino regnum cœlorum vim pati, & non nisi à violentibus diripi. Porro multorum veridicâ relatione comperimus, quod nonnulli qui hominem Dei calumniati sunt, ad sepulchrum ejus impetranda veniæ causâ accedere avide cupierunt, (postquam lucerna sanctitatis ejus super candelabrum posita lucere cœpit omnibus,) sed nullo modo montis ascensum promereri valuerunt. *Judicia Dei abyssus multa!* Ecce ad sepulchrum unus justi calumniator ejus pœnitens accedere nō meruit super quo majus gaudium esse Angelis Dei in cœlis, quam supranonaginta novē justis Dominus ipse promisit. Et tamen absque ulla ambiguitate credendum est, quod Dominus illis pœnitentibus peccata dimiserit: quia non potuit, nisi verum esse, quod dixit. Sed quia non erant defuturi, qui virum Dei jam in cœlis cum Christo regnantein; jam in terris miraculis coruscantem blasphemarent, uti post liquidoclarebit scilicet exemplo: ad ampliorem his incutendum terrorem, si forte quiescerent, (dum nullum opus Dei vacat à mysterio) tali in eos usus est sententia. Verum hoc conjiciendo protulerimus, non affirmando: quia sicut præmisimus suprà, *judicia Dei abyssus multa:* & sicut confabulator sapientiae dixit, *Sensem Domini quis cognovit?*

XI. Non multum temporis fluxit, (postquam Abbas Hersfeldensis Arnoldus, nesciens quid facere, beatum virum sic indignè tractari fecit,) cùm diffili-  
entibus membris à capite, tumultuantibus pueris  
con-

contra senem, & servis contra dominum suum, tunica Christi inconstitutus, quam milites pagani scindere voluerunt, discissa est à fratribus atque Abbatem. Regum autem potiebatur tunc temporis *Conradus* pater *Henrici II. Imperatoris*: hic zizania discordia, quæ inter fratres & Abbatem succreverant, (inimico homine seminante,) acutâ sententiæ falce taliter demessuit, ut eundem Abbatem *Arnoldum* deponerent, & piæ memoriarum *Rudolphum* de Monasterio quod dicatur *Stabulanus*, postea *Paderbornensem Episcopum*, loco ejus subrogarent. Qui cum totum se divinæ religioni mancipasset, fratrum studijs erga divinum servitium, & sanctum quod professi erant propositum, adeò congratulabatur, ut quæcumque posset charitatis officia, ac si indulgentissimus pater, cis impénderet. Depositus vero Abbas *Arnoldus* reliquam æstatem suam degebat privatus: cum tamen nunquam ad mentem reduceret, quod pro injuria, quam viro Dei ingesserat, deponi meruisset. *Quod si nos metipos dijudicaremus*, inquit Apostolus, non unice judicaremur. Sed præcipitium in quod ceciderat, ideo Abbas videre non poterat, quia *lucerna sub modo latebat*; quia nullus meritorum adhuc viri Dei splendor emicuerat; quia *oleum, quo lampades suas resicere solebat*, in vasis conscientiæ, usquequod veniret sponsus, reservare studebat justè. Ne autem ipse Arnoldus cum hoc mundo damnaretur, sed à Domino corruptus hic judicaretur; credimus illum meritis S. Joannis Baptista adjutum, cui monasterium venustissime construxerat versus Australem pl-

gam urbis, in monte qui exinde appellatur *Mons S. Joannis.* Sed & ille locus celeberrimus, ubi beatus *Heimeradus* tam crudeliter verberibus est actus. *Hersfeldia* scilicet, non longe post obitum ipsius *Arnoldi* cum basilica, & universis simul & dificijs incendio conflagravit: sive ob injuriam hominis Dei sive etiam alijs culpis exigentibus. Verum non absit, si inusitatum & inauditum miraculum ad medium ducamus, quod Dominus ad consolanda frarum ibidem degentium mōrentia corda ostendere est dignatus. Nam cereus qui in Sabbato sancto consecratus est, in initio incendij, ut solet, ad propulsanda pericula, coram altari fuerat accensus: sed altera die, cum totum & dificium in cineres consedisset, integrer inventus est atque illas, carbonibus atque semiustis roboribus adusque summum cacumen circumdatus: qui exinde per singulos annos donec aliquid superfuit, particulatim novo cereo est adjectus.

XII. Sed ut ad propositum revertamur, hucusque vir Dei mortificationem *IESV* in corpore sua circumferens, tandem ad montem *Hafungen* pervenit, ubi dcinceps & vita *Iesu* in corpore ejus manifestanda fuit. Ibi ergo decrevit circuitioni sua ponere modum; ibi post tantilaboris fatigationem quiescere; ibi expectare eum, qui se salvum faceret a pusillanimitate spiritus & tempestate; ibi cœlum sibi vidit apertum, sicut ipse referre solebat, quia scilicet cum primum montem illum intueretur, non aliter sibi visum fuerit, quam si interiora cœli contemplaretur. Haud dubitamus eum tunc (utpote in litterarum studijs fatis

fatis exercitatum) non immemorem illius Jacob  
versiculi, Quām terribilis est locus iste, non est hic ali-  
ud, nisi domus Dei, & portacæli. Certus igitur ex  
hâc visione locum hunc sibi cœlitus prædestinatum  
fuisse, petijt ab incolis, ut sibi jus concederent inha-  
bitandi montis: quod cum libenter annuisserent, quid  
ibi laboris, quid sudoris insumperit; quām totus in  
servitio; quām creberet in oratione; quām assiduus in  
lectione; quām largus in eleemosynis; quām com-  
patiens miseris; quām omnibus affabilis extiterit;  
quomodo corpus suum jejunis & vigilijs macera-  
verit; qualiter carnem suam cum vitijs & concipi-  
scentijs crucifixerit; interrogent miracula, quin o-  
bis fidem derogant, respiciant etiam Dominum su-  
os incredulos ad miracula mittentem: *Si mihi non  
vultis credere, inquit, operibus credite: & opera  
qua ego facio in nomine Patris mei, ipsa testimonium  
perhibent de me.*

XIII. Quoties eum incentiva carnis titillabant,  
cum psalmos caneret, aut aliquid aliud divini officij  
persolveret; subito non sine miraculo intuentium  
propriens se de ecclesia, quanto citius saltum dedit  
in piscinam, quæ ibi erat, ibique tamdiu vadabat,  
donec stimulus carnis ejus quiesceret. Fertur etiam  
una vice nudum corpus suum per spineta traxisse: sic  
que dum penaliter arderet foris, restrinxisse incen-  
dium, quod exiit aliter vivebat in medullis. Peractis  
vero Missarum solemnis officijs, hæc ei erat con-  
suetudo, ut populum, qui convenerat audiendi gra-  
tia divinum officium, talibus exhortaretur monitis:

ut domum reversi, quæcumque haberent, omnia in  
eleemosynam expenderent. Cumq; aliqui subiden-  
do interrogarēt expensis omnibus, quid de se futurū  
esset, quibus rebus vita indigentia consulerent? Bonū  
homo de bono cordis sui theſauro protulit verba bona;  
verba consolatoria; reposita eis esse in cœlis, quæ  
oculus vidit, nec auris audivit, nec in cor hominis asce-  
dit. Tum ne morderentur his curis, Dominum effi-  
sollicitum pro eis; nunquam exauriri posse fontem ap-  
vinae misericordie. Qualis arbor, tales fructus! do-  
ctrina concordabat cum vita: non enim ipse, vel sibi  
vel rebus eleemosynarum gratiâ parcebatur: certum te-  
nens, quod mercedes suas non in sacrum peritus  
congregabat. Ipsa quoque fœmoralia ſæpe in usum  
eleemosynarum distrahebat. Verū hanc vicissitu-  
dinem pulchrè ſibi fœneratam vidit etiam ſuper ter-  
ram; brevi quippe famâ sanctitatis ejus totam evo-  
cavit provinciam, ad videndam, quæ in finibus illis  
apparuit, novæ claritatis ſtellam; ad consideran-  
dam, quæ abſcondi non poterat, civitatem in monte po-  
ſitam. Nemo ſibi deerat, nullus ſexus, nulla aetas,  
nulla conditio; non nobilitas, non dignitas domiſe  
continebat: quaſi ad nundinas, ſic quisque post al-  
terum, cum mercibus oblationum ruebat, ut præoc-  
cuparet benedictionem servi Dei, ejusque Deo com-  
placitæ ſe commendaret orationi. Penè nullus dies,  
nulla hora, nullum momentum præteriit, quo non  
aliquis viſendi hominis Dei gratia concurrerit.

XIV. Interea Comes quidam Dukeho nomine,  
de monte qui vocatur Wartberg, ſuperveniente ſe-  
ſtivi-

Invitate *S. Andreae Apostoli*, Paderburnensem Episcopum *Meinvercum* invitavit ad convivium; erat enim capella in codem monte sita, in honorem *S. Andreae Apostoli* consecrata. Cumq; in vigilia ipsius Apostoli ad cœnam convenissent, & prædictus Comes, beatum *Heimeradum* simul invitatum, contra sē ad mensam sedere fecisset: indignatus Episcopus, interrogavit, *quid sibi vir tanta prudentia hoc facto vellet?* cœpitque in ore suo beatum virum injuriare, eumque delirum apostamat appellare: cùm ille contrane mutiret quidem, sciens scriptum esse: *Pati-entia vobis est necessaria, ut reportetis promissiones.* Confusus itaque vice illius Comes, qui vocaverat eum, valde enim venerabatur eum: respondit, se nescisse, *quod adversus illum quidquam haberet contro-versie:* cœpitque animum ejus mitigare, & viro Dei veniam postulare. At Episcopus in sua perseverans sententia, juravit, quod ab hominibus sanctus putaretur; debere eum die altera sine dubio *Alleluja* ad Missam cantare, ut in hoc sanctitatem ejus experiretur. Statimque ei coram omnibus sub intermissione plagarum id injunxit officij. Cumque Comes pro eo obnixius supplicando, & ei hujus actionis remissionem petendo nihil ageret, nisi quod oleum flammæ adjiceret. Noctu finita matutinâ, tulit hominem Dei secretò, & consolans eum obsecrabat, *ut primatentamenta non refugeret, sed saltē in nomine sancte Trinitatis incipiens, cetera Deo committet.* Quilicet multum renitens seque ad hospitium dimitti flagitans, tamen non cessante à precibus

Comite, tandem consensit. Veniente itaque horum Episcopus nullo modo abduci posset à sententia : processit ille, & incipiens tam solemniter, tam jucundè *Alleluja* cantavit, & ad finem usque perdixit, sicut ipsius loci Clericus testatus est ; ut omnem mirarentur, seque ex nullius unquam hominis oratione suaviorem modulationem audivisse faterentur : Episcopus finita Missa, eo secretius assumpto, pedes ejus corrueret, & veniam postulans, deinceps perpetuus fieret ei amicus.

XV. Reverlo demum *B. Heimerado* ad hospitium suum, finito convivio, cùm ei sublimes quoque & in fascibus agentes personæ, onerantes jumentis quantum portare poterant, munera transmittente (ut etiam ratiunculas suas pro Christi amore derelicas, hic videatur recepisse centuplicatas,) ipse tantum panem cum sale & aqua, (raroque leguminibus,) contentus, nihil in proprios usus servabat, sed omnia pauperibus, ut sæpen numero jam inculcatum memorie. Quod cùm pergeret facere, una vice jam inclinata ad vesperam die, cùm nihil ei superesse minister ejus vidisset, cœpit tumido ore debacchari, & bocculo contumeliae aures ejus tundere : cur & secum quæ offerebantur non participare? se fame cruciari, quæ ei sedulus ministeriū die nocturno, non sine sudore valvo sui impenderet ; ipsum verò universa in alios profundere, de se autem prorsus nullam curram habere. Tum & columba, licet sine felle, sœviens, eum cum iuratio tacere præcepit dicens : non idcirco mittit ea nobis Dominus, ut omnia à nobis devorentur. Ecce pedo

mij

missi à Domino ad januam, qui deferat nobis de rorō  
cali & de pinguedine terra abundantiam: inquirentes  
enim Dominum non minuentur omni bono. Sed siue  
hoc spiritu prophetiae providerit, seu sola fide obti-  
nuerit, (quam maxime Dominus in sanctis suis lau-  
dare consuevit,) pollicitatione sua fraudatus non est.  
Nam ecce eo tempore, quo solent homines nocte in-  
terceptis laboribus propria corpora curare, & do-  
mesticis suis prospicere, supervenit homo cum ju-  
mento vario ciborum genere, quantum portare po-  
terat, onerato. Tunc increpata pusillanimitate disci-  
puli, ex omnibus sufficienter tribuit ei. Erat autem  
ibi vas, modicum fabæ continens, hoc eum igni ap-  
ponere, sibique dum reverteretur parare jussit; ec-  
clesiam intravit, ibi more suo plurimum noctis trans-  
egit. Demum reverso, cùm minister mensulam ap-  
poluisse, & ille corpus inedia maceratum reficere  
cœpisset, subito scintilla igne crepitante prossiliens  
mensale perussit. At ille quanto citius surgens iter ad  
ecclesiam acceleravit, ibique reliquum noctis ad gal-  
licinium usque perduravit. Cumque minister jam  
reditum ejus desperasset, & cubitum ire decrevisset,  
ex insperato adveniens denuo mensa appositâ cibum  
sumpsit: interea, qui ei ministrabat, cœpit eum mo-  
destè interrogare, cur lœso ab igne mensali tam festi-  
nus ecclesiam intrasset? at ille, angelus Domini, ait,  
cum scintilla me vocatum advenit: cumque eccle-  
siam intrassen, ita omni genere decoris ornatam; ita  
superno lumine illustratam inveni, ut decuit revera  
palatiū Domini. Ibi S. Martinum, & S. Mainulphum  
inve-

inveni, qui & meæ fidei montem istum commendaverunt; & si eum bene custodirem, me in regnum cœlorum se introducturos fide mutuâ promiserunt.

XVI. Jam in medio discurrentium pedes ejus ad exterias quoque nationes deportaveant, multumque venerationis ei apud Saxonum gentem conquisierant. Habebat autem unum ex vicinis familiarem, & exceptâ una re, quæ modo introducendi fungebatur, quocumque res postulasset: huic nomen erat *Temmo*, quem dum ex more cum mandatis ad *Abbatem Corbejensem* direxisset, misit ei Abbas duo sagmata omnium, quorum usus indiget, plena qui unū domi abscondit, alterum viro Dei attulit. Ille gratias agens, interrogavit, si quidei amplius missit? quo negante: vade, ait, & istud quod misisti, adde illi, quod domi abscondisti, habens utrumque. Qui licet alias fidelis extiterit, tamen quia in hoc uno prævaricatus est, prævaricationis suæ penas justitiae censuræ debuit. Scriptum est enim: qui cumque totam legem servaverit, offenderit autem in uno, factus est omnium reus. Verum quoniam viro Dei, alias ut dictum est, familiaris & fidelis permanuit, meritis ipsius hinc recipere meruit, quidquid in legendam familiaritatis deliquit: denique non multò post dexteram maxillam ejus, & ita deorsum, usque ad humerum vermis adeo depastus est, ut os nitens & dextera arteria nuda appareret: æquâ verò lance illam partem vermis absumpsit, quâ ille, quod furatus fuerat, absumere habuit.

XVII. Cum una vice jacens in atrio ecclesiae quietaret, subito qui simul aderant, viderunt formicarum gregem de terrâ, ut solet, ebullientem, supra eum ascendere; quas cum abigendo nihil proficerent, sed eo animosius, quasi conjuratæ in bellum acies, conserto agmine super eum irruerent; turbatus monstris, suscitato ei rem indicaverunt: at ille inquit, *Nihil periculi est, nolite turbari: sicut enim videtis nunc formicarum gregem, presagium scilicet futurorum, super me irruere: ita paulo post discessum meum, visuri estis homines de cunctis per circuitum nationibus gregatim montem istum cum votis & oblationibus suis ascendere.*

XVIII. Erat quoque ibi Clericus in juvenili aetate vernans, sed superbus admodum & arrogans. Hic jam a principio multas viro Dei, ob invidiam, faciebat injurias. Quadam itaque die cum pergeret illi molestus esse, vir Dei dixit ad eum: *propinquus medallie accipe, que prædico tibi: dives quidem futurus es, sed postquam omnia congregaveris, veniet satanas & omnia tibi, teque simul auferet.* Utinam jam in ipso non impleta sit illa prophetia, quod pace hujus sancti, salvâ verborum ejus fide, optaverimus: quam impletam, rerum exitus docuit, in ipsius substantia. Nam postquam vir Dei rebus humanis excessit, cum jam multa Clericus coacervasset, ad ultimum ancillam cuiusdam præpotentis hominis ejusdem loci indigenæ corrupit: qui statim domum ejus, omnemque suppellectilem invasit, nihilque ex omnibus præter miseram vitam relinquens; insuper ad Frieslar apud

apud generalem synodum eum accusavit. Cumq; eo esset, ut Episcopus ad degradandum eum baculum levare debuisset, subito prorumpens sanguis de naribus ejus cum impetu super Episcopum venit: illico ejectus tam diu sanguinem fudit, usquequā alijs, quē introducenda erant, introductis & determinatis, eo oblivionis tradito, synodus illa solveretur. Quis ambigat eum in tantæ necessitatibus articulo beatitudini viri miseratione liberatum? qui profecto cum viderisset prophetiam suam in rebus suis esse impletā, ne amissio pariter sacerdotali gradu funditus omni spē nudaretur, subveniendū ei censuit exemplo Domini sui, qui, *cum iratus fuerit, misericordia recordabatur.*

XIX. Quidam ex habitatoribus ejusdem loci, cum jam senex esset, & plenus dierum rarum admodum, sed jucundum prodidit miraculum, sibi ad beneficium, Deo ad laudem & gloriam, ab eodem servo Dei gestum. Nam cùm homo idem esset junior tempore, & erga virum Dei miro flagraret amore, ejusque sedulō fungeretur obsequio: quodam die duxit eum ad proprium hospitium, & ostendit ei sum gallum extinctum. quem quidam male mentis adolescens missō lapillo occidit deambulantem in atrio. Cumque nimium querulosis vocibus suum casum exponeret, quod scilicet jam non esset, qui sibi gallicinia canceret; qui se profestis diebus ad suum officium, matutinalibus horis ad divinum officium excitaret; quod non esset, quo domum in parte juvaret; pullos educeret; sobolis foeturam suppleret. Tandem motus his querelis Dei servus, elevatā

dexterā signum crucis contra jacens cadaver edidit, statimque gallus, quasi nihil læsionis pertulisset, sed de somno excitatus esset, nimia velocitate surgens abiit. Quod ideo signum non nisi major natu, non nisi perfectioris ætatis, sub divum profere prudenter cum animo suo statuit; eò quòd vix his annis parvum quid fidei sit; eò quòd mendacium inundaverit; eò quòd omne verum à terris ad superos remcaverit.

XX. Cùm quadam die in villa Etheno, quæ monti vicina est, divinis mysterijs insisteret, & his quæ præcedere solent finitis; evangelium legi rationis ordo depoposceret; dum tenacius inhæreret Deo, subi-tò raptus in extasi, unus quoque sp̄ritus, ut ita dixerim, effectus est cum ipso. Diu verò populo exspe-ctante, ut is qui mente excesserat, juxta Apostolum, D̄eo, sobrius fieret illis. Jamque omnibus fatigatis, cùm domum reverti placuisse, is qui ad impenden-dum Christi Sacerdoti adjutorium adstabat Diaconatus officio functus, stolâ sumptâ legit evangelium; ne cuius causa advenerat populus, divini officij penitus expers rediret. Deinde alijs digredientibus, remansit unus Hemmo cum sua uxore; qui, ut tena-ces anchoræ, familiarius &c propinquius viro Dei adhærebat; quique illi propensiùs servitium im-pendere solebant. Cùm verò jam inclinata esset ad vesperam dies; ad se reversus, quod reliquum fuerat missæ per celebravit; sive simul cum iplis ad hospitiū illorum intravit. Cui cùm ex more mensam ap-ponuissent, ac si Dominum non in suis membris, sed in scip̄o excepissent, altera Martha circa frequens mini-

ministerium satageret, cœperunt ab eo humiliter e<sup>m</sup>  
poscere rationem, cur in medio Missæ tam diu fuisse  
moratus? Tunc ille, ut nihil erat quod illorum cha-  
ritas ei non extorqueret, hand, inquit, tunc temp-  
ris aderam: videbar quidem vobis præsens corpore,  
sed spiritus Dei legatione functus eram. O admirabi-  
lis sanctitatis virum! licet adhuc corporaliter cum  
hominibus conversantein, jam tamen inter illos co-  
lestes spiritus supernè deputatum; quos cùm Domi-  
no libuerit, Psalmista testante, *Angelos facit.*

XXI. Solebat idem *Hemmo* fascem lignorum do-  
mui suæ arefactam proprijs humeris ad hospitiolum  
sancti *Heimeradi*, absente ministro ejus, circa vespe-  
ram deportare; focum accendere; aream purgare, se-  
dile ponere, aquam afferre, vasa mundare, lectum  
sternere; dumq; ille his, quæ secundum Deum sunt  
vacaret, ipse quæ secundum hominem sunt ei provi-  
debat; sicque omnibus, quæ usus postulabat, ritè per-  
fectis, ad sua regrediebatur, cum alacri spe recipien-  
dæ à Domino vicissitudinis. Quod cùm una die ei  
more ficeret, jam ascensurus in montem, vidi diabo-  
lum levato ingenti saxo, arbores ibidem stantes lapi-  
dere: at ille signaculo sanctæ crucis se undique mu-  
niens, alacriter cœptum iter pergebat: certus quo  
ejus orationum clypeo tutus erat ab omni periculo  
cui humanitatis officium impendebat. Non eget, n<sup>i</sup>  
si fallor, admonitione, quid veternosus serpens ho-  
facto voluerit: videlicet, ut incuteret homini terro-  
rem, si vel sic eum posset à pietatis officio, quod in  
tenderat, impedire; dum unius charitati, alterius in  
videt.

Videbat utilitati. Videbat enim hominem charitatis loricam, & galeam salutis induitum; ideoque pugnam minus lacestere, & frontem fronte conterere metuebat: quia toties sibi male tentatum, adversus hujusmodi viros armaturam Dei induitos, certamen secus cesserat. Cognovit autem id ipsum vir Dei per spiritum, accitumque tantæ devotionis erga se hominem admonuit, ne formidaret, si quid in sylla adversi deprehenderet: sed signo crucis frontis suæ impresso, securus pertransiret; dicens, contra hoc signum nullum stare periculum.

XXII. Cum autem instaret tempus resolutionis ejus, per aliquot dies in stupore mentis videbatur, adeo ut à supradictis flagrantis erga se studij hominibus sollicitè custodiretur: triticum enim in horrea Domini aggregandum non poterat absque tribulis & ventilabro leparari à paleis. Jam vero in ultimo positus spiritu, cum devotas, ut solent, mulieres circa se congregatas, totas (ut ajunt) effluere videret in lacrymas: interrogavit, quanam causa esset tanti ploratus? quæ cum respondissent: pro ejus morte se dolere. Imo, ait, gaudete, quia parronum me habere meruistis. & juge gaudium, quasi ad perennes nundinas ac festivitates, amodo in monte hoc celebrari estis. Præterea non post longum tempus videbitis Monasterium hoc loco constructum, & coadunatum in sancto proposito non parvam fratrum & caterum, ad divinum servitium sol manier exsplendum. Igitur quarto Kalend. Julij rebus humanis exemptus, indu-

tus est cælestibus, ut luce clarius constat ex signis  
& virtutibus, quas per eum solet operari Dominus.

**XXIII.** Quidam enim de gente Hassonum, Berni nomine, prætergrediebatur locum, in quo sancti confessoris Christi Heimeradi requiescit corpus, undecima post obitum ejus die. Hic, quoniam scutum fidei abjecerat, sagittâ diaboli cor ejus penetrante, sancto illi detrahere, & vitam ejus cœpit derisui habere: qui statim invalus à diabolo, totus in prædam cessit, utpote abjectis militiæ suæ armis spiritualibus, quibus ei resiliere debuit. Quem illico sui ad sepulchrum viri Dei adducentes, ac pro eo jejunis & orationibus die noctuque insistentes; & corporis ei suavitatem, hoste depulso, & pristinam mentis obtinuerunt libertatem. Sed quæsi unus non satis dedisset exempli, quantum peccet in Deum & in animam suam criminator sanctorum Dei; alius quidam occurrrens duabus mulieribus, sacros cineres trigesimo die cum oblationibus suis invisere, vel currentibus vel volentibus: causasque itineris cognoscens, cum imitari studium earum deberet, hoc miser non fecit, sed immittente satana, turpibus dictis & factis ipse etiam hominem Dei injuriavit: quapropter perpetua ariditate statim multatus in crure coram omnibus, claudicando satis vel ipse de hujusmodi sceleris enormitate indicij dedisset, nisi quoddam genus hominum indurata cervice & indomibili corde esset.

**XXIV.** Igitur quasi nihil actum sit, una infelice mulier, Bethzcha nomine, iterum studium & devotionem quorundam circa sanctum sepulchrum deride

dere cœpit; sed sicut temeritas culpam, ita & culpæ auxit vindictam: ut videlicet in eam illata correptio, omnem deinceps adimeret injuriandi sanctum Dei præsumptionem. Nam tam diu inimicus sua in eam usus est potestate, quo usque omnibus longè lateque innotesceret, quod propter illatam Christi sacerdoti injuriam, huic sævæ subjaceret sententiæ.

XXV. Tandem post exclusas pestes animarum, post eliminata infidelitatis impedimenta, via facta est fidei ad excludendas & eliminandas quoque ægritudines corporum. Siquidem duo paralytici, vir unus scilicet & mulier, diverso tempore sepulchrum viro Dei cum mercibus fidei adierunt, & suffragantibus meritis Sancti, commutationis lux pretium, plenam scilicet sospitatem reportaverunt. viro nomen erat *Poppo*, Machtils fuit nuncupata mulier, ejusdem locioriundo originem trahens de *Fresonum* provincia.

XXVI. Pari modo duæ aliæ mulieres provinciales de *Saxonia* diversis incommodis detentæ, (nam una oculorum, altera linguae carebat officio,) diverso tempore licet pari devotione sanctum locum adierunt, & ope beati viri, quod eis de humana natura defuit, fidei commercio reparare meruerunt. Prior erat de *Geitzlacher villa*, quæ sic appellatur; altera vero de *Leimbach*. Item claudus quidam adolescens, ex servitijs *Berta Comitissa*, ad prædictum portum salutis scammellis est deportatus: adeò enim totus dimidiis naturæ vitio sibi met erat inutilis; sed meritus viri Dei adjutus, mutato officiali, relictis ibidem scammellis, proprijs pedibus suis est reversus.

**XXVII.** *Berengerus presbyter de Willichashuson;*  
*quæ villa sita est in Hassia provincia, incertum quo-*  
*reatu dæmonium incurrit, permittente illo qui etiam*  
*beatum Job, quamquam longè diverso modo, sa-*  
*næ tentandum concessit: qui & ipse ad commune*  
*propugnaculum, viri Dei quippe sepulchrum addu-*  
*cens, citius dicto ab obsidente peste est liberatus.*  
*Quid yerbis opus est? si singillatim personas, loci*  
*temporaponere velimus, ad coacervanda testimoniæ,*  
*nullus modus erit, nulla mensura. Tres cœci,*  
*duo muti, claudus unus, vel negatam naturæ virtutem,*  
*vel corruptam, ad sacros cineres meruerunt recipere,*  
*quisque suo tempore, integram sanitatem.*

**XXVIII.** Accidit interea *Praefectum Magdebur-*  
*gensem Meginfridum cum multis alijs Hierosolymam*  
*tendentem, vento sibi contrario Laodicæ diu esse*  
*moratum; denique primo, secundo, ac tertio die,*  
*& saepius navigia repetentes, cum in altum proce-*s*sis-  
*sent, subito mutata aurâ, quasi quadam vi deten-*s*is-  
*divinâ, nusquam promovere potuerunt. Cumque*  
*res in desperatione esset, praefectus Meginfridus &*  
*nonnulli aliij decreverunt domum reverti. Sed Ro-*  
*ding miles ejus & Bebo, & Sibertus cum alijs ple-*  
*risque constanter agentes, definierunt apud se rem,*  
*potius per terram pedibus tentare, & extrema omnia*  
*persecutionem etiam infidelium, si immineret, ex-*cep*-  
*periri, quam iter cœptum relinquere. In hac igitur*  
*diffinitione superveniente nocte cubitum icum es-*ta**  
*Tunc Roding ut ipse asserebat, nondum in somnum*  
*resolutus, vidit clarè virum veneranda canitie, in ve-*  
*stitu****

stitu candido sibi assistere, suæ queremorationis causas prædicere; quod videlicet idcirco detenti essent, quia beatum *Heimeradum* domi sibi in vicino positum, in monte videlicet *Hafungen*, eatenus neglexissent. Quapropter, inquit, si obstinato animo *Hierosolymam* de crevistis petere, crastino mane ecclesiam sancti *Georgij* in hac urbe ingressi, voto vos constringite, quod petitâ *Hierosolymâ* nullus vestrum, qui indigenæ estis, priùs domum suam ingrediatur, quam hujus sancti viri visitet sepulchrum; ejusque patrocinio vos committite; quia nisi vobis ipse apud Deum obtainuerit, nullus vestrum *Hierosolymam* videbit. Quam visionem cum ille cæteris retulisset, in tantam consolationem & mentis alacritatem de venerunt, non solum ipsi, sed & alienigenæ, qui se illis conjunxerat, ut altero die primo diluculo omnes pariter supradictam ecclesiam adirent, & illi quibus jussum fuerat in prædictam urbem intrantes, non solum libimetipsis, sed omnibus suis socijs in salutem fierent: nam vix vota impleverant, cum ecce nauclerus adfuit, & prosperum ventum venisse nuntians, eos ad naves invitavit; quas ingressi, per illud dimidium quod superfuit diei spatium, sicut ipsius naucleri relatione cognoverunt, quatuor dierum cursum impleverunt. Et deinceps adeò prospera fuit navigationis, ut (quod mirum dictu est) iter quodante se alij vix duodecim hebdomadis mari terraque cucurserant, isti sex tantum diebus currerent: & illi præcessores, duorum intervallo tantum dierum *Hierosolymam*, priores illis, intrassent. Itaque peractis

Hierosolymæ votis, Meginfridus præfetus, Roding  
Siberius, & qui cum illis erant, postquam domum  
suam reverterentur, promissa factis exequentes Ha-  
sungen petierunt, & visitato beati viri sepulchro, ha-  
c omnia proprio ore narraverunt.

XXIX. Quædam mulier dum linum carperet ma-  
nibus, sicut mos est mulierum, tertio die post an-  
niversarij sancti hujus commemorationem, repente  
contraxit se utraque manus; digitis in volam arctius  
defixis: accurrerunt, qui aderant, ut linum ei de ma-  
nibus arriperent, sed non erat facultas. Tandem  
vi doloris cogente, accessit mulier ad altare san-  
cti viri, sequic perpetuò mancipans ejusdem eccl-  
esiæ, ita demum manus referatas ad consuetum usum  
meruit accommodare. Quod miraculum pro glo-  
ria Dei & propagandis beati viri meritis constat fa-  
ctum; cum neq; legitimæ essent feriæ, in quibus nul-  
lum servile opus fieri liceret; neque aliud quodlibet  
peccatum mulieris, neq; parentum ejus, in illius tem-  
poris articulo manifestius appareret.

XXX. Duo contracti unus de eadem regione, ali-  
us de villa quæ appellatur *Gesslade*, dum corde cre-  
dunt ad justitiam, ore autem confessionem faciunt ad  
salutem; statum rectitudinis, quem natura negaverat,  
ibidem exteriori homini fide obtinuerūt interioris.

XXXI. Similiter duæ mulieres, una paralytica, alia  
oculorum sensu multata, fidei suæ pretium ad ean-  
dem memoriam obtulerunt, nec aliquanto tardius sa-  
lutis dono ditata, gaudio triumphantes redierunt:  
quarum altera de villa quæ *Weidere* appellatur; alia de  
*Grincenbach* procreata dicebatur.

XXXII.

XXXII. In vigilia Natalis Domini duæ ibi cande-  
læ sunt divinitus accensæ , una in absentia, altera in  
præsentia cleri, qui ibidem congregatus fuerat, ad  
agendas sacras excubias in tabernaculo Domini.

XXXIII. Quidam ex fratribus de eodem cœnobio,  
admodum religiosus, in adolescentia sua gravem inci-  
derat ægritudinem , quām nullo modo evadere po-  
tuit, usquequod suum votum, modo fidelium devo-  
rum S. Heimerado devovit. Quo facto, visus est ei vir  
Dei in somnis adesse , eumq; utrisq; manibus cōple-  
cti: evigilans verò sensit se melius habere, statimque  
non mediocri accensus est desiderio, ut totum se Deo  
in servitium deoverit, & S. Heimerado; quo crescen-  
te desiderio crescebat etiam valetudo : usquequod ab-  
renuntians sæculo desiderium suum implevit , & sic  
omni ægritudine illa deinceps in perpetuum caruit.  
Missus deinde cum mandatis in Wormatiam, cùm vi-  
disset ephebos studio deditos liberali , deletabatur  
rursum in sæculum redire, scq; ludo reddere liberali .  
Quare definitâ, in Paralceve ante Pascha invasit eum  
tentatio diaboli in tantum, ut & ipso die lecturus le-  
ctionem, cuius initium est , In tribulatione sua manè  
confusur ad me : (nam lector deerat, ipse autem Le-  
vita erat) & postea quoties evangelium lecturus esset,  
videretur sibi pagina quasi nigro quodam panno ob-  
ducta, nullamq; litteram poterat cognoscere ; seque  
sentiret à quodam totis viribus abstrahi à lectione, ut  
ipse rejecto libro confugeret ad altare, scq; proster-  
nens sacerdoti cum summo populi totius qui assiste-  
batterrore se postularet adjuvarī. Cubitum etiam

itorus, cùm signo salutari se undiq; muniret, cantando  
illum ver sum, S. Spiritus adst nobis gratia: audiebat  
vocem altius dicentis sibi, quod se non deberet signare,  
eo quod sibi traditus esset. Non unquam verò iedens in-  
ter alios repente videbatur sibi, quasi ab aliquibus ad  
infernum trahi, ita ut tremeret, clamaret, & omnes in  
terrorem verteret. Hoc stimulo colaphizabat eum  
angelus satanae sine intermissione diu noctuq; à Para-  
sceve, usq; ad Pentecosten. Tunc verò frater ille in se-  
rediens, intellexit idè se talia perpeti, quoniam ad  
sæculum reversus Deo ausus sit mentiri, cœpitq; pœ-  
nitere facti. Jam inde rarius quidem, inter politus vi-  
delicet aliquot diebus, ipsa tamen passione per duos  
& semis annos, graviter est afflicatus, nec ullis remedijis  
five orationibus, five jejunijs, seu venijs, seu confessio-  
nibus creberimis, his curari potuit infestationibus.  
Solebat accedente passione hymnum Athanasij, *Qui-*  
*cunq; vult salvus esse*, & sequentiam, S. Spiritus adst  
nobis gratia, aduersus insinuens periculum de cantare:  
sed utrumq; satanas novissime ita funditus ei velut le-  
thargum passio è memoria eliminaverat, ut non nisi  
vix primum versum utriusq; carminis animo retine-  
ret. Tandem reversus jam ad cœnobium suum, con-  
fugiens ad nota præsidia, seq; prosternens iuxta san-  
ctum sepulchrum, multis lacrymis & precibus beati  
virti flagitabat auxilium, tota de votione promittens se  
deinceps stabiliter in eodem loco permansurum, &  
nonquam ulterius ad sanctulum reversurum. Cumque  
hoc votum corde & ore prompsisset, visum est ei qua-  
si aliquis clara voce *Amen* responderet: nec mora  
omnis

omnis tentatio illa diabolica evanuit, & sanus factus,  
illa peste in perpetuum caruit. Referebat nobis idem  
frater in prætentia sui circa sepulchrum viri Dei, mu-  
lierem priuò sanguinem ex oculis fudisse, & visum  
recepisse. Quo hac referente, intulit aliis frater de  
eodem cœnobio, alio tempore suis obtutibus in aliâ  
muliere miraculum simile fætum fuisse.

XXXIV. Successu temporis in anniversario S. Hei-  
meradi, quod est in vigilia SS. Apostolorum Petri &  
Pauli innumerabilis multitudo ibidem confluxerat  
juxta prophetiam viri Dei, quæ totum montem oc-  
cupaverat. Plenum tunc erat de languentibus tem-  
plum omni genere morborum, dæmoniacorum, le-  
prosorum, cœcorum, claudorum, aridorum. Appro-  
pinquante autem divinæ visitationis hora, erat videre  
misericordiam, quomodo, (ut soleant dolore correpti) per  
atrium ecclesiæ volarentur, se invicem complexi :  
cùm quisq; collum alterius, quasi gulam ei fracturus,  
brachijs constringisset, & terram manibus foderet,  
dentibus roderet : tamen qui fortiores erant in popu-  
lo, densato agmine columnis se circumposuerunt, ne  
quis ad patientes accederet de vulgo. Eo die triginta  
duo sanitati donati sunt, Cleros & tante & populo.  
Est vulgi pia & non contemnenda, imò fidelis opinio,  
quod SS. Apostoli Petrus & Paulus in virtutibus co-  
operatores existant B. Heimerado : sive quod in eo-  
rum Vigilia maximè se prodat in his operibus divina  
virtus ; sive quod eorum honori & patrocinij sit at-  
titulata & consecrata ejus loci ecclesia. Cùm taliter  
soleat Dominus suos beare amicos, facilis conjectu-

ra est, quantam illis gloriam contulerit jam in celis  
secum regnantibus: unde oportet ut tanto impensius,  
studium circa illorum obsequia exhibeamus, quanto  
constat iram Dei adversum nos excitari, si negligi-  
mus; maximè ubi eos corporaliter requiescere volu-  
it Dominus beneficij gratia civibus, interim moran-  
dum facit sponsus. Nec est ambigendum, quin tanto  
vicinius, tanto familiarius quisque illorum, & in pre-  
senti beneficio, & in ultimo futuro perfruatur con-  
sortio; tanto facilis & celerius si fides non titubave-  
rit divinam impetrat misericordiam urgente necel-  
litatis articulo, quanto illis plus reverentia, quanto  
plus studuerit exhibere honoris, quanto majorem  
operam in illorum expenderit famulatu. Finem scri-  
bendi facere me compellit styli & linguae tardioris  
imperitia, non miraculorum penuria; quæ penè quo-  
tidie profluunt, ex eadem virtutum divite vena, ad  
laudem & gloriam Domini nostri IESU CHRISTI,  
qui cum DEO Patre, & Spiritu sancto vivit & regnat  
per omnia saecula saeculorum. Amen.

## Epitaphium S. Heimeradi Confessoris.

*Anno millesimo Christi, decimoque noveno,  
Morte fuit victimus Heimeradus benedictus,  
Luce Calendarum quarta mensis Julianum.  
Qui prece mente pia, quarunt solatia dia,  
Eius per meritacapiunt relevamina scita.*

F I N I S.